

TABAKALERA



**IKUS -
ENTZUNEZKO
PROIEKTU BATEN
GARAPENERAKO
EGONALDI
DEIALDIA**

KULTURA
GARAIKIDEAREN
NAZIOARTEKO
ZENTROA

CENTRO
INTERNACIONAL
DE CULTURA
CONTEMPORÁNEA

INTERNATIONAL
CENTER OF
CONTEMPORARY
CULTURE

tabakalera.eu



1. AURKEZPENA

Tabakalerak, sorkuntzarako gunea den aldetik, egonaldi-programa bat du, artista eta kultur eragileei babes emateko. Programa honen helburu nagusia arte-prozesuetan laguntzea da, bai kontzeptuarekin bai ekoizpenarekin.

Programa hau Tabakalerak duen helburu eta lan eremu garrantzitsuetako bat osatzen du. Programa honen bitartez, espazio bat sortu nahi du eragileak eta haien proiektuak elkarren ondoan garatu daitezen, egoiliarren eta eragile gonbidatuen artean lankidetzak sortzeko giroa eta aukera bultzatzeko helburuz.

2. XEDEA

Deialdi honen xedea da ikus-entzunezko proiektu baten garapenean lanean ari diren artistei laguntza eskaintzea.

Deialdian parte hartu ahal izango dute Euskal Autonomi Erkidegoan, hemendik aurrera EAE, bizi diren artista edo eragile kulturalak, bai eta estatukoak eta atzerritarrak ere. Deialdira aurkeztutako proiektu guztietatik proposamen bat aukeratuko da.

Egonaldiak lau eta hamabi aste arteko iraupena izango du, 6. klausulan adierazitakoaren arabera, eta arte-proiektua garatzeko lekua, testuingurua eta denbora eskainiko ditu.

Egonaldia 2018ko otsaila eta ekaina bitartean edo/eta iraila eta abendua bitartean gauzatuko da.

3. HAUTAGAIK / PARTE-HARTZAILEAK

Deialdian parte hartu ahal izango dute partzialki edo soilik arte garaikidearen sektorean ikus-entzunezko proiektu bat garatu nahi dituzten pertsona fisiko edo juridiko, EAeko biztanleak, estatukoak edo nazioartekoak, dela eremu horretan jarduten direlako, dela sektore horretan ibilbide profesionalari ekin nahi diotelako.



Halaber, hainbat pertsona fisiko edo juridiko batera aurkeztu ahal izango dira deialdira, haien artean erlazio formalizaziorik eskatu gabe. Kasu honetan 5. klausulako azken paragrafoan jarritakoa eman ahal izango da.

4. HAUTATZEKO BATZORDEA ETA IRIZPIDEAK

Proiektuak baloratzeko batzorde misto bat osatuko du Tabakalerak, sektoreko profesionalak eta erakundeko langileek konposatutakoa. Irizpide hauek hartuko dira kontuan:

- Proiektuaren kalitatea: aurkezpena, interes tematikoa, idazkera eta erreferentziak.
- Berrikuntza, esperimentazioa, hizkuntza zinematografikoaren erabilpen berriak
- Hautagaiaren/en ibilbidea.
- Bideragarritasuna eta Tabakalerak dituen bitarteko eta lan-espazioetara egokitzea. Tabakalerako programarekin, egoiliarrekin eta lekuko testuinguruko jarduera artistikoarekin joan-etorriko bideak sortzeko gaitasuna.

Komisioak deialdia hutsik jo ahal izango du aurkeztutako proiektuetariko bakar batek ere ez badu biltzen meritu nahikorik egonalarako. Era berean, egonaldi honetarako zuzendutako baliabideak beste egonaldi mota baterako edo/eta Tabakalera garatzen den beste ekitaldi baterako esleitu ahal izango dira.

5. ZUZKIDURA

Egonaldia Tabakalerak Donostian dituen instalazioetan egingo da. Programak prestazio hauek eskaintzen ditu:

- I. Bidaia eta ostatua:
 - I.1. EAEtik kanpo bizi direnentzat:
 - Joan-etorriko bidai bat bere ohizko bizilekutik edo lekutik unean dagoen tokitik.
 - Gela bikoitza, bainugela eta lanerako txoko batekin wifiarekin; sukaldea eta egongela partekatua.
 - I.2. EAE-n bizi direnentzat:



- Donostia edo ingurutik kanpo bizi bada, ostatua ere izan ahalko du, aurreko puntuan aipatutako ezaugarri berdinekin, edo/eta 500€ko gehieneko kopurua hilabetero, garraiorako.
2. 1.000€ egonaldiko (zergak eta atxikipenak alde batera utzita) hilabete bakoitzeko, dieta eta mantenurako.
 3. Aseguru medikua, artista edo eragilearentzat, estatu espainoletik kanpo bizi den kasuan.
 4. Lanerako espazio bat Tabakaleraren ekoizpen-gunean, oinarritzko behar guztiekin: argia, korrante hartuneak, proiektu bakoitzerako oinarritzko altzariak.
 5. Office-rako eta gune komunetarako sarbidea.
 6. Tabakaleraren sorkuntza-liburutegi espezializatuko funtsetarako sarbidea.
 7. Irudi eta soinu edizioko estudioetara eta plato/praktika eszenikoetarako espaziora sarbidea.
 8. Baliabide teknikoetara sarbidea, bai eta Tabakalerako lan-taldearen laguntza, behar eta aukeren arabera.
 9. Tabakalerako programaren baitan antolatzen diren ekitaldietara sarbidea, bai eta zinemako programara ere.
 10. Laguntza kontzeptuala proiektua garatzeko, eta laguntza inguruko eragile eta proiektuak ezagutzeko, egoiliarak hala eskatuz gero.
 - II. Laguntza ekonomiko gehigarria, 5.000€ gehienez, ekoizpen-prozesuari dagozkion gastuak estaltzeko asmoz. Ekipamendu teknologikoen erosketak, orokorrean, ez dira onartuak izango. Laguntza ekonomikoa, Tabakalerako ordezkari baten bitartez kudeatuko da.

Aukeratutako proiektua kolektibo batek aurkeztu badu (hainbat pertsona fisiko edo juridikok, elkarren arteko harremanak formalizatzeko 3. klausulako bigarren lerrokadan adierazitako moduak bete beharrik izan gabe), adierazitako prestazioak emango zaizkio, dela kolektiboak berak izendatutako pertsona fisikoari, dela kolektiboak eskatuta eta Tabakalerak diskrezioz erabakita, erresidentziaren prestazio zenbatekoaren kuantifikazio bitartez (posible den neurrian) eta hura esleituta kolektiboko kide bati, batzuei edo guztiei, esandako prestazioetakoren bat, zenbateko baliokide osoarekin.

6. EGONALDIAREN IRAUPENA ETA GARAPENA

Egonaldiak lau eta hamabi aste arteko iraupena izango du, eta 2018ko otsaila eta ekaina bitartean, edo/eta iraila eta abendua bitartean garatuko da. Batzordearekin batera adostuko da egonaldiaren iraupen zehatza, Tabakalerak bere programazioan barruan dituen aukera eta konpromisoen arabera.



7. PARTE HARTZEKO BALDINTZAK

Deialdira aurkezteak honako konpromiso hauek onartzea dakar:

- Onartutako eskaera bertan behera utziz gero, hautagaiak behar besteko aurrerapenez jakinarazi beharko du.
- Adostutako datetan justifikaziorik gabe lan-espaziora huts egiteak egonaldia eta emandako laguntzak bertan behera uztea ekar lezake.
- Egonaldia bera eta haren inguruan sortutako jarduerak Tabakalerak egonaldi-programaren eta lan-espazioak lagatzeko programaren inguruan garatzen duen programazioan sartu ahal izango dira.
- Tabakaleran izan eta gero, beren egonaldiari buruzko memoria bana aurkeztu beharko dute egoiliarrek.
- Egonaldia obra edo argitalpenen bat ekoizteko erabiliz gero, Tabakaleraren izena jarri beharko da kredituetan.

8. AURKEZTU BEHARREKO DOKUMENTAZIOA

Izena emateko epea 2017ko maiatzaren 15etik ekainaren 15eko 23:59ak [UTC+2] arte egongo da zabalik. Deialdien emaitza, 2017ko uztailaren 15ean jakinaraziko da. Hautagaiak astebeteko epea izango du egonaldiaren onarpena egiteko.

Izen-ematea Tabakalerako webgunearen bitartez egitea beharrezkoa da; horretarako, izen-emate orria bete eta jarraian zehazten den hurrenkeran, hurrengoko dokumentazioa atxikitu beharko da:

1. Harremanetan jartzeko datuak: izena, abizenak, helbidea, e-maila, harremanetarako telefono-zenbakia. Hautatutako proiektuaren ordezkari bakarra izendatuko da solaskide izateko.
2. Proiektuaren deskribapena eta hautagaiek zergatik egin nahi duten proiektuaren fase hori Tabakalerako egoiliar diren bitartean (gutxienez 500 hitz, gehienez 1000).
3. Proiektua azaltzeko lagungarri den material grafikoa edo bestelakoa.
4. Proiektu garapenerako gorabeherako aurrekontua, bai eta premia guztien aurreikuspena ere.
5. Egoiliar den aldirako aurreikusitako lan-egutegia.
6. Egonaldirako denboraldi egokiena, lehen eta bigarren aukerak.



7. Sozietatearen CVa eta bibliografia edo historia laburra (gehienez 500 hitz).

Dokumentazio guztia PDF formatuko (gehienez 10 mega, 10 orrialde) dokumentu baten bitartez helaraziko da; dokumentuaren izena modu honetara adierazi beharko da: Izena_abizena_modalitatea; adibidez: mara_bilbao_ikus-entzunezko_proiektua.

Bestetik, helarazten den dokumentazioa euskaraz, gaztelaniaz edo ingelesez egongo da idatzita. Euskaraz edo gaztelaniaz baldin bada, nahitaez laburpen bat atxikituko da ingelesez.

Aukeratutako hautagaiek honako dokumentu hauek aurkeztu beharko dituzte 10 eguneko epean, hautatuak izan direla jakinarazten zaienetik kontatzen hasita:

- NANaren, IFKren edo pasaportearen kopia.
- Sektore Publikoko Kontratuei buruzko Legearen testu bategineko 6o. artikuluan deskribatutako egoeraren batean sartuta ez egotearen adierazpena. Dokumentu hau Tabakalerako web-orritik deskargatu daiteke, eta modalitate bakoitzari dagokion deialdian aurkituko da. Kolektiboen kasuan, adierazpen horrek hautagai guztiei buruzkoa izan beharko du.

9. JABETZA INTELEKTUALA

Parte-hartzaileak izango dira aurkezten dituzten proiektuen egile eta originaltasunaren erantzule, eta proiektuen gaineko jabetza intelektualeko eskubide guztiak legez dagozkiela bermatu behar dute; ildo berean, Tabakalerak modu baketsuan erabili ahal izango dituela bermatuko dute, eta berme hori beteko ez balute, Tabakalerak zuzenean edo zeharka jasan ditzakeen kalte edota galeren erantzukizunetik salbuesten dute esanbidez Tabakalera.

Hautatutako pertsonak Tabakalerari lagako dizkio proiektu osoari edo proiektuko elementuen zati bati nahiz proiektuaren garapenari dagozkion ustiapen- eta irudi-eskubideak, legez baimendutako gehieneko aldirako, mundu osoan, Tabakaleraren jardueren berri emateko argitalpen, katalogo edo liburuxkak paperean edo digitalean argitaratzeko edo jardueraren sustapenerako, baina merkataritza-jarduerak esanbidez alde batera utzita.



Aukeratutakoak Tabakalerari bere izena deialdi honen xedeen barruan komenigarritzat jotzen duen moduan erabiltzeko baimena emango dio, esanbidez.

10. DATUAK BABESTEIA

Deialdi honetan emandako datu pertsonalak Tabakaleraren fitxategi batean sartuko dira, deialdi hau, deialdiaren administrazio-kudeaketako jardunak, fakturazioa eta/edo dokumentazioa kudeatu ahal izateko, eta parte-hartzaileek onartu egin behar dute beren datuak fitxategi horretan sartzea. Horri dagokionez, helbidea honako hau izango da: Tabakalera, Andere zigarrogileak, 1, Donostia. Parte-hartzaileak bere laguntzailearen baten datu pertsonalak ematen baditu, datuak Tabakalerari xede bererako jakinarazteko haren baimena izan beharko du.

Datuetan sartzeko, datuak zuzentzeko, ezeztatzeko eta datuei aurka egiteko eskubideak posta elektronikoko bidez baliatu behar dira; mezu elektronikoa sortzaileak@tabakalera.eu bidali, gaia honako hau duela: “sartzeko baimenak” mezuarekin batera datuen titularrak sinatutako gutun bat ere aurkeztu beharko da, eta jakinarazpenak jasotzeko helbide bat adierazteaz gain, NANaren edo antzeko beste dokumentu baten kopia ere bidali behar da.

11. PARTE-HARTZAILEEN IRUDI-ESKUBIDEAK

Parte-hartzaileek Tabakalerako gunetan hartutako irudietan (argazkiak, bideoak, eta abar) ager daitezkeela onartuko dute, gero informazioa emateko edo sustapenerako erabiltzearen; era berean, erabilera hori baimenduko dute.

Hori guztia ohorerako eskubidearen aurkako erabilera edo aplikazio guztiak alde batera utzita, Ohorerako, Norberaren eta Familiaren Intimitaterako, eta Norberaren Irudirako Eskubidearen Babes Zibilari buruzko maiatzaren 5eko 1/1982 Lege Organikoan aurreikusitako moduan. Eremu horretakoa ez den beste edozein erabilera baimen honetatik kanpo geratzen da.

TABAKALERA



12. OINARRIAK ONARTZEA

Deialdian parte hartzeak deialdiaren oinarri hauek onartzea dakar.

Info +:

sortzaileak@tabakalera.eu

www.tabakalera.eu